

kimesnelerde dahi şer'î hakkım olub şer'le görülüb müteveccih olan mâl-ı mirîye olan deynim için tahsil olunmasın taleb ederim”, **deyu bildirdi. İmdi buyurdum ki** hükm-i şerifimle dergâh-ı mu'allâm çavuşlarından Nasuh Çavuş –zîde kadruhu- vardukda bir an ve bir sâ'at te'hîr ve terâhî etmeyüb mültezim-i mezbûrun dedüğü ayak âmillerin ve mübâşirlerin ve şer'î hakk taleb eyledüğü kimesneleri bi'l-cümle huzuru lâzım olanları mezkûr çavuşuma buldurub getürdüb, gaybet edenleri şer'le buldurasın, lâzım olanlara buldurdub şer'le göresin, mezkûrân ayak âmillerinin kıst-ı iltizamlarından zimmetlerinde ne mikdâr bâkîleri kalmış ise kendülerinden taleb edüb vermekde ta'allül ederler ise emlâk ve esbâblarından vefâ etmeyi keizâlik kefil-i bi'l-mâllerinden bî-kusûr mezkûr çavuşuma tahsil etdirüb bir akçe ve bir habbe bâkî kodurmayasız, ve şer'î hakk taleb eyledüğü kimesnelerün dahi bi-hasebi'ş-şer'i'ş-şerîf zimmetlerine ne mikdâr hakk sâbit ve zâhir olur ise ba'de's-sübût şer'le müteveccih olan hakkımı dahi teveccüh edenlerden bî-kusûr mezkûr çavuşuma tahsil etdürüb bundan mâ'adâ iltizâm-ı mezbûrun zimmetine lâzım gelen mâlimi dahi kendüsünden taleb edüb vermekde ta'allül ederler ise emlâk ve esbâblarından vefâ etmeyi keizâlik kefil-i bi'l-mâllerinden bi'l-cümle mâlimi şer'le ve kânunla müteveccih olanlardan mezkûr çavuşuma bî-kusûr taleb ve tahsil edüb bu def'a alâkasın kat' ve nizâların bertaraf edüb tekrâr emr-i şerîfim göndermeğe muhtâc ve meşkûk bir mâdde kodurmayasın, ve hâsıl olan akçe(y)i alub der-kîse edüb ve mühürleyüb mezkûr çavuşuma ve yarar âdemlerinüz ve kifâyet kadarı hisar erenleri ile mevrûzdan mukaddem gönderüb hazîne-i âmire(me) teslîm edüb ve yazub bildiresin, deyu tahriren Zi'l-ka'de sene 987.

Belgeden hareketle üzerinde tartışılacak konular:

Cümle analizi: Belgeyi doğru anlama ve anlamlandırma aşaması.

Belgedeki verilerden hareketle tarih bilgisi üretme aşaması: Bu noktada aşağıdaki konularla/terimlerle ilgili tartışmaların yapılması hedeflenmektedir.

- Osmanlı toplum yapısında konar-göçer gruplar
- Osmanlı taşra idaresinde konar-göçer gruplar için var olan idari örgütlenme
- Yörük kadılığı
- İltizam usulü

Konu ile ilgili okunabilecek literatürden bazı örnekler:

Halil İnalçık, “The Yörüks: Their Origins, Expansion and Economic Role”, *CEDRUS* II (2014), 467-495.

Faruk Sümer, “Yörükler”, *TDV İslam Ansiklopedisi*, 43 (2013), s.570-573.

Mehmet Genç, “İltizam”, *TDV İslam Ansiklopedisi*, 22 (2000), s.154-158.